

## বারবার ফিরে আসি

মোঃ আবদুল খালেক

আমি বারবার আটলান্টিকের বুকে ফিরে আসি  
আমি ঘুরেঘুরে মহাসমুদ্রের তীরে চলে আসি ।

ঢেউ বিছানো নীল আঁচল ডেকে যায় অবিরাম  
রাত্রির প্রহরে শিয়রে শুনি আমার স্নেহ নাম,  
মনোমোহনী রূপে, পরশে কাঁদে আয় বুকে আয়  
সবিনয় মুছে ক্লান্তিখাম, ফুরফুরে হাওয়ায়,  
গেয়ে গান রূপবান, নিমিষে বিনাশে দুঃখরাশি  
আমি আটলান্টিক পাড়ে, মহাসমুদ্র ভালবাসি ।

অবগাহনে ঘুচায় দম্ব হৃদয় চকিত বানে  
আগলে রেখে তীরের ছায়ায় জোয়ার ভাটা টানে,  
সমল দুঃখবিন্দু মুছে, শরীরে বালুর আঁচড়  
মুহুর্তে ঢেউ এর দোলায়, মঙ্গলা আপনাপর,  
আঁচলে বেধে, দিবানিশি গর্জনে রাহু অবিনাশী,  
আমি আটলান্টিক পাড়ে, মহাসমুদ্র ভালবাসি ।

আমি বারবার সমুদ্রের স্নেহের আদরে ভাসি-  
আমি বারবার মায়ের কোলে শান্তিতে ফিরে আসি ।

আইভরি কোষ্ট

১৯.৫.২০০৬